

اعتصام

اعتصام خادم اولور دنگزه، شرع مینه * اعتصام ایتیملیز بویله کونول جبل مینه
« ادیب عینتانی »

۱۷ جادی الاخری سنه ۱۲۳۷	{ منافع عامیه خادم مجموعه اسلامیه در }	۲۰ مارت سنه ۱۳۲۵
----------------------------	--	---------------------

« قادیسلک » حیات اجتماعی سنه ایندیریلن ضربه لر
احمد شیرانی

مباحث کلامیه
عبدالرحمن

اولاد عمزک اخلاق
عبدالکریم

رسم و صورت حقنده سؤال و استیضاح
ناجی

یقینلان تخمینر — مشؤم مصافحه
طیار رحمی

تشکیلات خیریه
ا. نوری

فیثاتی (۵) غر و شدرد

محل اداره : فاتح — اعتصام

۱۲۳۸

صاحب امتیاز:
احمد شیرانی



اعتصام

مدیر مسئول:
احمد شیرانی



واعتصموا

۱۷ جمادی الاخری
سنه ۱۳۳۷

{ هر پنجشنبه کونی نشر اولنور }

۲۰ مارت
سنه ۱۳۳۵

« قادیان » لغت حیات اجتماعی سینه ایندیرین ضربلر

— ۳ —

وسائط ممکنه و مختلفه ایله حریت نسوان و مساوات نسوانه صرف مساهی ایدن
افراد جمعیت و ارکان حکومتک ، الذا ایتک ایستدکاری و ایتدکاری نتایج متعدد
و مختلف ایدی . اولاً : ازاله تعصب . . . بزه اعتراف ایدر زکة تعصب ، شرعاً
و عقلاً ازاله سی لازم بر ذمیمه در ؛ فقط هانکی تعصب . . . فرض ، واجب ، سنت
حرمت و کراحت کی احکام شرعیه نك هیچ برنده ، نه اساساً نه فرعاً داخل
بولنمایان جهلای صوفیه نك عادات متخذه لرینی ، مأمورات و یا منهیات شرعیه دتمش
کی عدوتلی ایتدیرن بر تعصب چب بینانه واردر که شرعاً و عقلاً ازاله سی لازم اولان
ایشته بونوع تعصبدر ، برده اوامر و نواهی شرعیه نك نلردن عبارت اولدیغنی
بیلن هر مسلمانده ؛ بتون حادثاتک احکام شرعیه دائره سنده جریانکی کورمک ارزوستی
تولید ایدن بر تعصب راست بینانه واردر که صلاحیت دینیهدن بشقه برشی اولمایان
بونوع تعصبی ، تنبیه و تقویه ایتک ، شرعاً واجب و عقلاً لازمدر . تعصبک هر ایدکی
نوعی ده مانع تجدد و ترقی عد ایدن تورم دیلر ؛ حریت نسوان و مساوات نسوانه

مأید مساعیریه فرعاً برنجی، اصلاده ایکنجی نوع تمصیری ازاله نتیجه سنه واصل
اولق ایسته یوردی. فقط نسوانه قسماً حریت بخش ایتدیلسده بوجهته هاند
تمصب خدایسندانه ی اذهان مسلمیندن سیله مدیار و قیامته قادارده سیله میه جکر دروا.
ثانیاً هوسات واذواق نفسانیه نك اجر اسنه مساعد بر وضعیت اجتماعیة احداث
ایتمك. حقوق نسوان نامنه؛ تمدد زوجانی وحشت عر ایدن و درت قادینه
جمعیت اقوامه کیریه میه جکنی ایاری سورهن بکمر و پاشالر؛ شرائط عشق و سودانی
جامع نه قادیلر وارسه هپسوله قولایجه الفت و مناسبت پیدا ایتمك و ممکن سه
هپسینی مترس اوله رق قولایمق ایچون قادیلرهن تستره قالدیرمه ی واونلره حریت
مطلقه بخش ایتمکي السادتلی بر نتیجه مساعی صایورلدی و حالا صایعده اولانارده
واردرا. . . استحصاال مناصب و منافع مقصیدیه تقدیمی معتاد هدایا صیره سنه کچیریلان
قادیلرک تسترلی اخلاص و حریتلری ا کمال ایدله دیکه هدیه لری ویرنلره آلا نلرک
منافع متقابله لری مختل اولوردی. . . اونلرک مقصدلری ایسنه مطلوب و منافعه
موافق بر نتیجه اله ایتمکدی، آنک ایچون حریت نسوانه و مساوات نسوانه
چالشدیلر و حالاده چالیشورلر. . .

ثالثاً: قادیلری دخی اتحاد و ترقیه جلب ایتمك و قادیلرک ارککلر اوزرنده کی
تأثیرات حلو نکارانه سندن بالاستفاده قوجه لری اتحادجی یایمق. . . یرده انسانلری، کوکده
ملکری و حتی «الله» ی اتحادجی یایمیه چالیشان و سیف شریعتله باشلری کلمک
لازم کان بر طاقیم شیاطین مرثیه واسطه سیله جوامع کرسیلرنده؛ آیات جلیله یی
کندیلرینی مدح و تقدیس ایچون انزال بیورلمش کبی کوسترن ژونلر؛ قادیلری دخی
اتحادجی یایمقدن و بو ظریف و جاذب و سحرار پرواغدا جیلری اله ایتمکدن وارسته
قاله مزلردی. . . بونک ایچون قادیلرک هوسات نفسانیلرینه ملایم کله جک و بناء عایه
خوشلرینه کبد، جک نه لر وارسه هپسینی یایدیلر. . . حریت مطلقه می؟ .. ویردیلر. . .
مأموریتی؟ . . . اجرای فحشیات و شیقه سیعی؟ .. ویردیلر. . . صومخانه می؟ ..
آچدیردیلر! . . . عشرتخانه می؟ . . . آچدیردیلر! . . . قوجه لری بو شامق
سحق می؟ . . . بخش ایتدیلر! . . . قادیلری بو صورتله اله ایتدکدن واونلری

قیزیل بر اتحادجی یابدقندن صوکره قادیئلری ، قادیئلره ؛ قادیئلری ارککلره ، قادیئلری قوجالرینه ، اوغللرینه ، قرداشلیرینه جاسوس و خفیه یایدیلر! . . . سلطان حمیدک استخدام ایتدیکی - اتحاد جاسوسلرینه نسبتله یک ناموسلی اولدقلری صوکره دن اکلایشیلان - محدودالمقدار جاسوسلری ، سلطان مشارالیهک عایینه مدار اتهام اتخاذایدن افراد جمعیتک ، جاسوسلری قادیئلره ، عائله افرادینه دخی نش-جیل ایتمه سی ، حیای بشرنامه قیامته قادار الیرینی یوزلرندن قالدیریمیه جق برعار و خجیات نمونه سیدر! . . .

رابعاً : کنجلی اتحاد دائره منحرفه سنه آلمق! . . . صندوقده کال اعتنا ایله صاقلامقده ایکن دیوابعزیه آلمدیغ زمان او طبعی باصان ضابطه مأمورلری نیک الیرینه کچن وزرده قالدقلرینه دائر معلومات اهلایان ایکی نسخه « طنین » غزیه سنده « کنجلیک و مخالفت » سرلوحه سی وحسین جاهد امضاسیله منتشرایکی مقاله او قومشدم . بومقاله لرده غایت قبالی برسانله دینور دیکه : « کنجلیک تستروتمصبی در حال رفع و ازاله ایتمه دیکندن طولانی جمعیته مخالف اولیورلر ، جمعیت ده اساساً بوهز مده ایسه ده بعض اسباب اداره دن طولانی تأخیره مجبور اولمشدر ، مع مافیه بوقباحث یا لکن جمعیت ده دکل ، کنجلیک ده بر حصه مؤاخذه آریلور ، اونلر ، اناطولینک هر طرفه هاغیلهرق اهالی نی ارشاد « اضلال » و بوضو رتله محبطی ، جمعیتک اجرآت آتیه سنه کوره احضار ایتمه لیلر در ، کنجلیک مخالفتی اشته بوکی اسبابه حمل ایدن جمعیتجه ، اونلری کندی طرفه جلب ایتک ایچون چاره ، تستروتمصبی قالدیرمقدی ، اوده بونک ایچون چالشدی . خامساً : اوروپا به خوش کورونمک! . . . هر خصوصده اولدینی کی بو خصوصده دخی یا کلیورلردی . چونکه اوروپا اقوامی ، کندی دینلر دن بشقه دیگر ملتیک احکام دینه سنه ده رعایتکارلر . بونک اک یکی دلیل ، ایتالیا نلرک ، « مسلمان ملکترلر ده بویه شیلر اولاز » . دهرک اسکدار ده کی عموم خانلری قاناتیرمه لری ، انکلین و فرانسلر لک ده اظنه طرفلر ده مسلمانلری مسکراتدن منع ایته لریدر . بونلر ، میامی بر نمایشدر دینه جک اولورسه ، اجنبیلر قاندار اولسون ملتک حسیات دینه سنه اوخشامایان ژون ترک حکومتندن خیر بکله مک یا حماقت و یا خود خیانت مقتضاسیدر ده که ده بزحق قانانیرزا . . .

حریت نسوان و مساوات نسوانه مصروف مساعی ایلله ایلدک ایسته نیلان
ویا خود الله ایدیلان ایشته بونتاج ، قادیئلک حیات اجتماعیه سنه ایندیدرلش الک
مدهش واک مهلك ضربه لر در ا . چونکه قادیئلک اقبالیله ، استقبالیله ، حیات
اجتماعیه سیله ، رفاه و سعادتیه توأم اولان و اونلر ایچون الک سویملی جمال و اندام واک
قیتملی زینت و یققات صایلان عفت و تربیه لری اخلال و افساد ایدلدی . اودرجه ده که
قیز ، باهاسنه ، قاری قوجاسنه قارشى عصیان و طغیان بایراغی چکدی ، افراد عائله
آره سنه امتزاج سزلق کیردی ، زوج ، زوجیه ، زوجه زوجنه محبت ، امنیت ایدمه من
اولدی ، عائله سعادتى فلاکته تحول ایتدی !.. ایدیلان مساعیه و مساعدده دن جسارت
آلان قادیئلر ؛ ادب و حیایى تماماً قالدیروب آتدیلر !.. کوستردکلى چیاغئلقلر ،
مسیخره لقلر ، قبطی طائفه سنک نسواننده بیله کوروله دی !.. خمیر فطرتلری ذاناً
مایه خفته مخلوط اولان قادیئلر ، تحریکات نفسانییه ، اغواءات شیطانییه ، تشویقات
سفه پایه قابیلر ق شیار دجه شیار دیلر ، آزدجه آر دیلر !.. دنیا قادیئلر دنیاسی ،
حریت قادیئلر حریتی اولدی !.. ژونلر اعلان حریت ایتدکلى دوره ، حریت نسوان
دوری دیلمدن باشقه بر نام یاقیشمز !.. بر حریتکه تربیه یی ، نزاکتی ، عفتی ،
حرمتی قادیئلردن تماماً قالدیردی !.. واپورلرده ، زوقاقلرده ، تراموا یلرده باجاق
باجاق اوزرینه آتاراق اوتورمق ، شرقی سویلك ، سیفاره دومانلاق ، دومانلری
از ککلك یوزلرینه اوفله مک ، تراموا یلره یینوب اینرکن کندی طرفلری بر اقوب
ار ککلك طرفنه هجوم ایدره ک آنلری آیاقلری آلتنده بیر اقق کی حالات ، یالکیز تربیه
نسویه نامنه دکل ، تربیه همومیه و انسانیه ناملرینه ده خوش کوربله جک حالندن
دکلدن ، قادینجی بکلك ، خرستیان قادیئلرینه بکزتمک ایسته دکلى مسلمان
قادیئلرینک زوالترینه ، الک زیاده کولن ، فخرتله باقان ، ینه خرستیانلر و خرستیان
قادیئلری اولدی !.. ثبوت قادیئلرک و اونلر واسطه سیله چوققلرک ل اخلاق و تربیه لر
مختل اولدی و اوکی قادیئلردن فیما بعد تربیه لی و اخلاقی نسل بکله مک عبثدر . یو
تربیه سزلکک ، بو اخلاق سزلکک تأثیریه ، اوتهدنبری بر عنقه اسلامیه اولان ،
قادیئلره حرمت و شفقت حسلری ، ارککلدن زائل ویرلرینه حدت و نفرت

حسبى قائم اولدى .. قاديئله امنيت واعتماد قالمادى ! .. قاديئلك عفت ، جمال
وزيئلك تربيه ديمك اولديئنى بيلئلر ، بوكون قطعياً تأهل وازدواجه حسبسارت
ايدمه ميورلر كه حریت نسوانك بوكي سوء نشأئى ، قاديئلك حیات اجتماعیه سینه
اینديرلمش الكمدهش والكمهالك برضريه اولديئنى كى مملكلك نفوس وانسال مستقبليه سینه
ده حرب زائلدن ده ازيا ده تناقص ايراث ايدمه جكدلر .. نتيجه هر نه اولورسه اولورسه
هوسات نفسانيه لرینه اوينون كلديكى جهتله قاديئجى بکلر بوندن ممنوندرلر ! ..
فقط خاملك :

ايواه بو بازيجده بزلرینه ياندق زيراكه زيان اورته ده بيلمم نه قازاندق
ديهك زمانلرى كلدى وكچيور ...!

احمد شیرانی



مباحث كلاميه

(بيغاده ابوالاکرم افنديئک مسئله اعتقاديده دن سؤلنه جوابدر)

عزيزم منظور ومعلوم عاليكز اولديئنى اوزره عمر نسفى ، عقائد متنبده (وهى
كلها بارادته ومشيئته وحكمه وقضيئته وتقديره) ديهرك افعال عبادك مجموعى ، كرك
كفر ، كرك ايمان ، كرك طاعت وكرك عصيان ، يعنى عباددن هر نه صادر اولورسه
جناب الانك اراده سييله وقدرتييله حصوله كله جكنى بيان ايديوزكه بو اهل سنت
وجماعت مذهبيدر . علامه نفتازانى ده مذكور قولك شرچنده : (والمقصود تعميم
ارادة الله تعالى وقدرته) قوليله مسئله مذكورمك نهدن عبارت اولديئنى ميدانه
چيقارييور . بو عبارتمك آژ آشاغينده : (والمتمزلة انكروا ارادة الله تعالى لاشروور
والقباح حتى قالوا انه اراد من الكافر وانفاسق ايمانه وطاعته لا كفره ومعصيته)
قوليله تعميم اراده مسئله سنده اهل سنت وجماعته مخالفت ايدن معتزله مذهبنى بيان
ايدييور . موافقده قاضى عضد ، اصل مسئلهنى شو طر زاوزريئته ذكر وبیان ايدييور :